

BUNITA ROADPIECE TRAHA CU 8.800 FLOR

ORANJESTAD (AAN): Keto bay DIARIO ta ricibiendo reaccion riba e bunita roadpiece cu a dorna cayanan di Oranjestad Diadomingo cu a pasa, durante e Parada di Blaas di Aruba Tivoli Club.

Ta trata aki di e Roadpiece di un Coffiepot masha colorido, poni banda di un brug chikito cu su laman bao di dje.

Floran geel, roos, biña y blanco a resalta impresionantemente for di e roadpiece aki y a lo largo di e ruta el a ricibi cantidad di aplauso di e publico cu sa di e valor di e roadpiece aki.

Informacion cu DIARIO ta dispone di dje ta indica cu e roadpiece aki a ser traha cu no menos cu 8.800 rosa en total! E ta pone hende pensa riba e Rose Bowl Parade cu ta ser teni anualmente na comienzo di Januari na Pasadena, California.

Pa tal motibo ainda comentarianan ta circula



encuanto e bunita roadpiece cu Aruba Tivoli Club a

presenta cune Diadomingo cu a pasa. Riba e foto aki

por mira e bunita roadpiece aki den tur su splendor,

buniteza, y bunita acabado. Masha pabien!

ENFOQUE SOCIAL

Casamento di Tyrina y Vincent

Recientemente a drenta enlace matrimonial e simpatica TYRINA THIJSEN y e gentil caballero VINCENT KOOLMAN. Nan ta haya felicitacion di nan testigonan, mayornan, ruman y demas famianan. Aki por mira mas di e momento feliz aki.

